

Ɔwɔlɔ́á Paulo Lówanlín Sísí Efesofɔ

Itsiáha

¹ Mí Paulo ání Bulu apé sɔ nabwé Kristo Yesu sumbí ɔyɔpó, dé ɔwɔlɔ́ ánfí wanlín sísí mlí Bulu ahá ání mlilahɔ Kristo Yesu gyi, mlia mɔnyɔ mlilabwé kole, mlíbu Efeso wúlutɔ. Nde mlí itsiá ha.

² Aní Sí Bulu mɔa aní Wíe Yesu Kristo bɔgyíi mlí buale, abɔha mlí iwílwii.

Ɔsósó Oyúla Aní Aníbu Kristotɔ

³ Mliha akanfɔ aní Wíe Yesu Kristo mɔ Sɪ pú mɔ Bulu. Tsúfɛ tsɔn ania Kristonyɔ ikolebwetɔ á, alapó ɔhétɔ atɔ́á íbékpa aní fɛ́é yúlá aní tsú ɔsósó. ⁴ Asa Bulu lóbwe ɔyí á, ɔlele aní bwé mɔ kle tsɔn ania Kristonyɔ kolebwesɔ, ání abwéé ahá ání amó iwí letɪn, ifin kɔkɔ má aní iwí mɔ ansító.

⁵ Iníá Bulu tɔdwé aní sɔ á, ɔlɔbwe agywɪn yáí ɔbéé, mópɔ aní bwé mɔ abí tsɔn Yesu Kristosɔ. Iní gyí tɔ́á olekle, igyi mɔ apé ní. ⁶ Mliha akanfɔ Bulu, mɔ awítale anfi íbu numnyam, ɔlɔwa tsɔn mɔ Bi ɔdwepósó há aní faan anfi sɔ. ⁷ Ɔlɔpɔ mɔ Bi ámu obugya ká aní nɔwunsɔ ikɔ, sí aní lakpan kíé aní. Awítale anfi Bulu léhié wá há aní anfi íbu ifú dɔbɪ. ⁸ Mɔ nyánsa pú mɔ asón-asɪnu lalé mó fɛ́é ɔwan súná aní tsɔn ɔkpa tsɔtsɔtsɔsɔ.

⁹ Alahá anlabí mɔ asɔn n̄áinhé ání ɔlekíklí yáí dododo ɔbéé, móbwe tsɔn Kristosɔ. ¹⁰ Mɔ asɔn n̄áinhé amɔ gyí, ní bré ámu ifɔn a, móbwe mɔ atɔ bwehéá íbu ɔsú mɔa así fɛ́é kole, púwá aní Wíe Kristo así.

¹¹ Bulu tɛhá mu nwuntɔ asón pú mu apé tɛba mótó brégyíbré. Mu onutó léle anɪ ɔ́bée abwée mu abí tson anɪa Kristonyɔ ikɔlɛbwɛtɔ. Tsúfɛ alí ɔ́lɔ́bwe agywun yáí dodoodo ni. ¹² Ɔ́lɛle anɪ agyankpapu ámúú anɪ ansí dɪn Kristosu ámu ɔ́bée, abékanfú mu numnyam.

¹³ Alí ilegýi ha mli é ní. Bré ámúú mlɪlónu ɔ́nɔkwali asón, igýi asun wankláán ámúú ɔ́pá mlɪa Kristonyɔ mlɪlɔ́bwe kɔlɛ. Bulu lópu mu Ɔ́ɛɛ Wankíhé ámu hɪɛ mli nsu, púsúná ánɪ mɔ́bú mli, fé alɪ ámúú ɔ́lɛhɪɛ yaí ɔ́bée mɔ́bwe ámu. ¹⁴ Ɔ́ɛɛ Wankíhé ámu gyí ntswiasíá idesuná ánɪ anɪ ɪbɪ bédá agyapadiɛ ámúú Bulu léla yáí há mu abí ámu ni. Idesuná ánɪ alaká anɪ nwunusu ikɔ, pówá mu numnyam.

Paulo Mpáí

¹⁵ Mú alɪ su, tsú bréá nonu ánɪ mlɪlahɔ anɪ Wíe Yesu gyí, pú alɪá mlɪtɔ́dwé Bulu ahá féé á, ¹⁶ mmɔ́kúsí Bulu ɪpán da mli nwunusu. Ní ndɛ mpáí bɔ́ á, ntekáín mlɪsu. ¹⁷ Ntokókóli anɪ Wíe Yesu Kristo Bulu, numnyam Ɔ́sí ámu mbée, ɔ́há mu Ɔ́ɛɛ ámu ɔ́ha mli nyánsa. Ɔ́lɛ mu ɔ́wan súná mli, ménɪ mlébi mu wankláán. ¹⁸ Ntɔ́kóli mu mbée, obwíi mli ansí, amlɪwun atɔ́ wankláán ámúú ɔ́bée, mlɪbékɪ ɔ́kpa ha ámu, ménɪ mlébi ánɪ atɔ́ ámúú ɔ́lɛlayáí há mu ahá ámu ihíé bu bíá. ¹⁹ Ɔ́há amlɪbi ánɪ mu túmi dɪn túmi kugyíku há anɪ ahógyipɪ. Mu túmi ánfɪ ɔ́ma a, kɔ́ku má ɪnu. ²⁰ Mú kén ɔ́lɛle súná bréá ɔ́lɔ́kusáa Kristo tsú afúlɪtɔ, pú mu yéyaí mu gyɔ́pɪsu ɔ́súsú ɪnu ní. ²¹ Ɔ́nó Kristo dé iwíe gyí awíe féé, túmi kugyíku, ɔ́ɛɛ laláhe pú ɔ́másógyí túmi féésú ni. Mu dibia dɪn dibia kugyíkuvá ɪbu nu séi

pó ðví ámuó íbéba amuó. ²² Bulu lópu tógyító wá mu asi, ðlupu mu bwé tógyító nwun há mu ðpasua. ²³ ðpasua ámu gyí Kristo ðyulóv. Kristo wá ðpasua ámu tenyá túmi kugyíku tsú. Mutéhá tógyító tawá alé yi ðtínegyíótíné.

2

Tsú Nkpa Dadatò Ba Pópwetò

¹ Asa mlilémlí Akristofó á, asutò-ònlun móa lakpanbwe sv mlígyí ðhétó aha wuhé. ² Alí bré ámuó á, mlilétsiá ðmátófó atsiábi. Mlilóbuo ðhe laláhe fée owíe Òbunsám. Múgyí ðhe laláhe ání ide agyómá yò ahá ámuó butamabú Bulu ámuó ní. ³ Lélé mú á, aní fée anilétsiá amó atsiábi, bwé lalahéá aní ðwólí léklé. Anilóbuo tóá aní ðyulóv pó aní agywun létsiá súná aní. Tsiátó anfi sù teki Bulu ðbébití aní isv fé aha atráhe ní.

⁴⁻⁵ Táme íniá Bulu nwewúun itsò, ðtehié dwé aní sv á, ðlòtsun ania Kristonyò ikulebwesv há aní nkpa, bré ámuó anígyí aha wuhé Bulu ansító aní lakpan sv ámu. Mu awítale sù ðlòhò aní nkpa. ⁶ Ania Kristo Yesunyò ikulebwe ánfí sv Bulu lakúsúa ania munyò tsú lowutò, alahá aní otsiákpá Kristo wá. Ania munyò abégyi iwíe ðsósó. ⁷ Bulu léle mu awítale kpònkpònkpòntí ánfí súná aní tsun Kristo Yesusu, méní ahá ání bétrá lín fée bówwun ání mu awítale lomóní ðun tógyító. ⁸ Bulu awítale pó mlí Kristo hógyisv Bulu lótsun hò mlí nkpa. Íní motsú mlí, Bulu atokiehé igyi. ⁹ Megyí mlí bwéhé wankláán kùkù sv, méní mlító ðkùkù móòpu ibí sí kántó. ¹⁰ Bulu lábwé aní alí ánfí anígyí. Alabwé aní aha pòpwe tsun ania Kristo Yesunyò ikulebwesv, méní abóbwe yilé ání mu onutó ðlela yáí há aní ðbé abwée.

Kristotɔ ɪkvlɛbwɛ

¹¹ Mɔ sɔ mlɪkain ání tɛkɪ ɔmátɔfɔ mlɪgyí. Bré ámu a, Yudafo bɔtɛtí mli bɛɛ, “Ahá ání bɔmɛtɪn keté,” bɔtɛtí amú iwɪ keté atɪnpɔ. (Támɛ ketétɪn amú ó á, nyankpɔsa ɔyɔlɔsɔ pú ɪbɪ ɔnó ató igyi.) ¹² Mlɪkain ání alɪ bré ámɔtɔ á, mlɪmɛyín Kristo. Afɔó mlɪgyí. Mlɪmɛgyí Yudafo ɔkpagyíɔkpasɔ. Mlɪmá ogyíkpa Bulu nhɪhɛ ámúɔ ɔlɛka mú iwɪ ntam há Yudafo ámɔtɔ. Múá ɪdɔn kúrɔá á, mli ansí mɛdín tɔtɔsɔ, mlɪmɛyín mɔ é. ¹³ Támɛ séi á, mli Kristo Yesunɔ mlɪlabwé kɔlɛ. ɪnɪ sɔ Kristo latsɔn mɔ obugya amúɔ ɔlɛtséi wólí há anɪa mlɪnɔ ámɔsɔ, kpá mli ahá ánfɪ tɛkɪ mlɪbɔ ɪfó ánfɪ ba Bulu wá. ¹⁴ Tsúfé Kristo onutó lapó iwɪlwi wá Yudafo pú ɔmá bámbásɔfɔ nsɪné, bwé anɪ afɔnka anyɔ ámu fée kɔlɛ. Alalé olu ámúɔ ɪɔbwɛ buntɪi wá anɪ nsɪné ámu. ¹⁵ ɔlɛka Yudafo mbla pú amú amándiétó, ménɪ afɔnka anyɔ amú bɔbwɛ ɔpasua pɔpɔwɛ ɪkɔlɛ mɔtɔ. Fówun mɔa amúnɔ bɔbwɛ kɔlɛ, iwɪlwi bétsiá amú nsɪné. ¹⁶ ɔlɔtsɔn mɔ oyikpalíhɛsɔ lowu ámɔsɔ lé olu lé amú nsɪné. Oyikpalíhɛ amɔsɔ ɔlɔtsɔn tsɔwɪ amúa Bulunɔ ɔnó ntsu. ¹⁷ Bréá Kristo lébá a, ɔlɛda Bulu iwɪlwi asún ámu ɔkan há ahá fée. Mli ɔmátɔfɔ ání mli Bulunɔ nsɪné bɔ ɪfó pú Yudafo ání amúa Bulunɔ nsɪné ma ɪfó féeétó. ¹⁸ Kristo sɔ ɔkpa latíi há anɪ afɔnka anyɔ ámu fée. ɔɲɛ Wankíhɛ ámu sɔ abétalɪ ba anɪ Sí Bulu ansító.

¹⁹ ɪnɪ sɔ mlɪtráa mlɪmɛgyí afɔó. Mli Bulu ahá mlɪlabwé ɪkɔlɛ, mlɪgyí Bulu wóyí abí. ²⁰ Mlɪgyí fé obuá bayi. Yesu sumbí ayɔpú ámu pú Bulu ɔnású atɔípú amɔ gyí mú nkɔpabí. Kristo Yesu onutó gyí obu ámu ɔtan. ²¹ Mɔ sɔ obu ámu ɪtsa aba hógyitɔ. Mutéhá mú itomóní bwé Bulu ɔtswékpa obu wankíhɛ. ²² ɪnɪá mli Kristonɔ mlɪlabwé ɪkɔlɛ

su á, ɔde mlia Yudafɔ ámu pɔtsá abasu, ɔde obu ání Bulu obétsiá mótó ɔhétó yíi.

3

Paulo Ɔmá Bámbásófo Bulu Asón Bláa

¹ Mí Paulo nda obu Kristo Yesu asɔn wankláán ámúú nde ɔkan da mli ahá ání mlimégyí Yudafɔto ámu su. ² Nyin ání mliánú awitɔléá Bulu lówa há mí, pó agyómá ánfɔ wá mí ɔbitɔ ɔbéé, mbwéé, ɔwa labi ha mli. ³ Bulu léle mu asɔn ɔhínhé ámúú ɔlekiklí yaí ámu ɔwan súná mí. Mú nawánlín kútúklú á. ⁴ Ní mlekla ɔwoló ánfɔ a, ɔbówankí mli ání nanú Kristo ɔwi asɔn ɔhínhé amu asi. ⁵ Tsú ɔyí ɔpá á, Bulu mókólé asɔn ɔhínhé anfi súná nyankpɔsa ɔkoku. Táme séi ánfɔ á, alabele mú ɔwan tsɔn mu Ɔhɛ ámusu súná ahá ámúú alalé, bɔgyi mu sumbí ayɔpú pó mu ɔnósú atɔípú wankíhé amu. ⁶ Mu asɔn ɔhínhé amu gyí, Bulu layúlá ɔmá bámbásófo é fé Yudafɔ, tsɔn mu asɔn wankláán ámusu. Amúá Yudafɔ bamli ɔlepe ɔkuletɔ ató agyípú, alabwé amúá Yudafɔ kule. Mú su babwé ɔyulúw kule. Amú é bénya ató ámúú Bulu léhie ání ɔbéha Yudafɔ tsɔn Kristo Yesusu ámu ku.

⁷ Ina Bulu awitɔle pó mu túmisu ɔlɔbwe mí mu asɔn wankláán ámu osúmpú. ⁸ Ibo mótóá kebikusu ngyi Bulu ahá féétó. Táme Bulu lówa awitɔle há mí ɔbéé, ndáa Kristo oyúla amúú ɔdon bli ámu ɔwi ɔkan ha ahá ání bomegyí Yudafɔ. ⁹ Mólówa mí ɔbéé, nháa anyánkɔpɔsa féé abubu alíá ɔdepu mu asɔn ɔhínhé amu yó agyómá. Mólóbwe ɔsú múa asi, ɔlɔpu mu asón ánfɔ ɔhínhé tsú ɔyí ɔpá. ¹⁰ Ɔlɔbwe mú ali, ménɔ ɔbótɔn mu ɔpasua ámusu lé mu nyánsa ɔtsan-ɔtsan súná ɔhɛ laláhe awíe pó atúmipwá bubu ɔtínéá

bude iwíe gyí fée. ¹¹ Iní gyí tóá Bulu léhíhíe yaí asa ɔlele ɔyí ní. Alahá mú ilaba mótó séi tsun aní Wíe Kristo Yesusu. ¹² Iníá anilahɔ mu gyí, ania mɔnyɔ anilabwé ikole su á, abétalí wá klɔn yó mu ansító faan, anuméetrá nya ifú. ¹³ Mú su nde ipa bwií há mlí mbéé, mlímáha abato iwu mlí, iwɔsɔn ánfí ndewúun ha mlí ánfí su, tsúfée íbówa labi há mlí.

Kristo ɔdwe

¹⁴ Iní su mí akpawunu iyi asi, nde aní Sí ámu kokóli. ¹⁵ Mutɔ abusuan kugyíkɔá ibu ɔsó múa asi lelɔn tsu. ¹⁶ Mubúu oyúla akpɔnkpɔnti há mu abí. Mú su nde mu kokóli mbéé, mu ɔhée ámu ɔhíe wa mlí ɔkláa ɔwɔnlín tsu mu oyúla kpɔnkpɔnti atokiehé ámutɔ, ¹⁷ Kristo ɔtsun mlí hógýisɔ tsia mlí klɔntɔ brégyíbré. Nde mu kulí mbéé, ɔhá amlilɔ nín yɔ ɔtótó, Buludwe pɔ mlí abadwɛtɔ, amlilu kínkínkín. ¹⁸ Fówun mlíha Bulu ahá atráhe mlétalí bí ání Kristo ɔdwe lehié móní, lehié téí, ihíé bu iswí, lehié fúá, lehié wíé ɔtótó. ¹⁹ Ntráa nde mu kokóli mbéé, ɔhá amlíbi Kristo ɔdwe ámúú nyankpɔsa ɔkɔkɔ méetalí nú mú asi yi amɔ. Fówun mlí tsiátó bóbwe fée Bulu klé.

²⁰ Iníá Bulu túmi de agyómá yɔ anitɔ su á, ɔtetalí bwé ató há aní dɔn alá anitókólí mu, ntée anitosúsu. ²¹ Iní su mlíha akanfɔ Bulu. Anyánkpɔsa ilíntɔ fée bukánfɔ mu ató akpɔnkpɔnti ámúú ɔdebwe Kristo Yesu pɔ ɔpasua ámutɔ ámu su, tsú séi yófɔn bréá itamatá. Amen!

4

Ania Kristonyɔ Ikwébwɛ

¹ Iní su mí ánfí nda obu aní Wíe agyómá yɔ su ánfí nde ipa bwií há mlí mbéé, mlítsía tsiátó oduá

ilekanáa alá Bulu léle mli òbée, mlibétsiá. ² Mliba iwiasí, amlilwii. Mlunya klòn ha aba, amlidwe aba. ³ Òye Wankíhé amv lahá mlibabwé kole. Mú sv mlibò mbódí amlitsia iwilwiitò, ménì ikolebwe ámv ibétsiá mlitò yó. ⁴ Òyulòv kole iwì ntobí anì fée anìgyí. Òye Wankíhé kole pé bu ìnv. Alì kén Bulu léle anì fée òbée, abékì toku kole pé òkpa ní. ⁵ Owíe òkule; hògyi kole; asúbò kole. ⁶ Bulu òkule. Mvgyí anì fée Òsí. Mvdé anì féesú gyí, òde agyómá yò tsun anì féesú, otsie anì féesú.

⁷ Kristo lówa awitòle ye atokiehé há anì fée òbée, apúyò mv agyómá, ⁸ fé alá bòwanlín wá Bulu asún ámvò bée,

“Bréá òlòyò òsúsú á,
òlekpa ndoun buo iwì,
kíe ahá ató.”

⁹ Ní bòwanlín wá Bulu asún ámvò bée, “Òlòyò òsúsú” á, idesuná anì Kristo légyankpá kplì wíe òsolótò. ¹⁰ Mómú idesuná anì òhá ámvú òlekplì wíe òsolótò ámv kén lóyò òsúsú, òtínéá òlòfá òvòv nì, ménì òbòbulá òsú móa asì fée, há mú ìfvn. ¹¹ Kristo onutó lóbwe anitò aku mv sumbí ayòpú. Aku Bulu ònósú atòípú. Aku mv asun wankláán ámv òkan adapó. Aku é akpapú pú asunápú. ¹² Kristo léle amó alì, ménì Bulu ahá bétalí yó mv agyómá, pówá Kristo òyulòv ikole; ígyi mv òpasua ámv òwonlín, ¹³ ménì anì fée abóbwe kole hògyitò, bí Bulu mv Bi ámv. Fówun abédan, fvò òkpagyíòkpasv fé Kristo. ¹⁴ Ìnv sv anímétrá bwe fé nyebíá ahá anì amó ònò bu òdwe bétalí pú amó atosunáhé pòpwe kugyíkv bémle, fé alá ntsu tedá òklòn ya òtínegyíòtínéá ideklé. ¹⁵ Mbóv mliha abláa aba ònòkwali asún ámv òdweò, ménì abédan tógyítótó, bwé fé Kristo, ogyi

ɔpasua ámu nwun. ¹⁶ Ina musu ɔyulúv, igyi ɔpasua ámu ɔtínegyíɔtíné itsa aba, ide aba wankláán. Ní nyankpɔsa-oyí iwí ntobí ámu fée ide mó agyómá yɔ wankláán á, Kristo tehá mó itedan ɔdwetɔ.

Nkpa Dada Mɔa Pɔpwe

¹⁷ Mó su nde mli ɔlá da aní Wíe idátó mbée, mli mátrá tsiá fé ahá aní bɔmeyín Bulu. Itáá móɔwa labi há amó iwí bɔtɔgywín. ¹⁸ Amó nwuntɔ lóklun. Mó su buma nkpa pɔpwe amóú itsú Bulu wá ámu, tsúfé bɔmeyín tɔtɔ. Ikluntɔ bu amó odwin. ¹⁹ Lalahɛbwe tamawá amó péli, bɔtekle hakpanla kugyíku bwe. Bɔtɔbwé lalahɛ kugyíku, bɔtamatalí kítá iwí.

²⁰ Táme mli mó á, megyí tsiátó anfi odu mli lékasí tsú Kristo iwí. ²¹ Nyin aní mli lanú Yesu iwí asón, basúná mli ɔnɔkwaliá ibu mɔtɔ é. ²² Mó su mli si mli tsiátó dada amóú mli létsiá ámu. Mli ɔwólí lalahɛ lémlé mli ali bré ámɔtɔ, ileha mli tsiátó leyintá. ²³ Mli ha Bulu ɔbwe mli klɔn pú mli agywun pɔpwe. ²⁴ Mli tsia tsiátó pɔpweá igyi Bulu atsiábi, mó iwí letin, ina dínká ɔnɔkwali ɔkpa ámusu.

²⁵ Mó su mli tɔ okugyíɔku ɔmátrá wa afunu. ɔhagyíɔha ɔbláa mu ba Okristoyin ɔnɔkwali. Tsúfé aní fée anigyí nyankpɔsa-oyí ɔkɔle amu iwí ató. ²⁶ ɔbló ikítá mli á, mli máha mó iha amlɔbwe lakpan. Imátsiá mli tɔ yófun owi tahé. ²⁷ Mli mátepi há ɔbunsám ɔkpa ɔmle mli, amlɔbwe lakpan. ²⁸ Owikplu mátrá wi ató. ɔpúv mu ibi yɔ agyómá, méní obénya tɔku kpá mu iwí, nyá iku é há ahá aní buma kuku. ²⁹ Mli máha asun lalahɛ kuku idali tsu mli ɔnó. Mbóun mɔá ibóbuá ɔha, ibóbwe yilé, wá labi, wá mó anupú ɔwɔnlín. ³⁰ Mli mábwe tóá ibéhan ɔhe Wankíhé amu. Tsúfé mu Bulu lópohe

mli nsu, pɔsúná ání mɔbó mli, móhɔ mli nkpa eke ámu ni. ³¹ Mliɛ ɔnsipekpan, olu pó ɔblókpan, itré, isia pó lakpan kugyíku agywun le mliɔ. ³² Mboún mliwa awitɔle ha aba. Mliwun aba nwe, amlisi lakpan kie aba fé alí ámóú Kristo su Bulu lési mli klé kíé mli ámu.

5

Akristofɔ Atsiábi

¹ Iníá Bulu abí ání ɔtehié dwé mligyí su á, mlitsia mu atsiábi. ² Mliɔwe aba ɔkpagyíɔkpasu, fé alíá Kristo lɔɔwe ani, tsúlá bɔmɔ mu ani su. Ɔlɔpu mu iwɔ bwé atɔ hahé pó afɔɔɔɔ-abɔtɔá ɔbu ɔfan fánfáánfán há Bulu, ilegyi mu ansí.

³ Bulu latin mli iwɔ. Mó su mli máwa atsi móa ayin asún, wá hakpan, ntée ɔnsípe. ⁴ Mó ɔma a, uma aleá mléblí asún ání ɔbu péli pó móa uma anulé, ntée wá ɔplɔkpan. Mboún mliɔa Bulu ipán brégyíbré. ⁵ Iwánkí mli ání mbua ɔtɔpó, ɔhakpan ntée ɔnsípe ɔwapó ɔkuku méenya ogyíkpá Kristo mba Bulu iwíegyi ámɔtɔ. (Tsúfé ɔnsípe ɔwapó gyí fé ɔkpi ɔtswépu).

⁶ Mli máha ɔkpa ɔhaa ɔpóu asún ání uma labi kuku mlé mli. Tsúfé tsiátó laláhe anfi odu só Bulu tenyá ɔbló bíti ahá ání bubu asɔtɔ-ɔnlɔn isu ní. ⁷ Mó su mli mápu amó gyi mba. ⁸ Bré ámu a, oklúntɔ mlitsie mliɔé lakpan bwe, táme séi á, mli ani Wíenyɔ mlilabwé ikole. Mó su mlitsie wankitɔ. Iní su mli tsiátó isúna ání mlitsie wankitɔ. ⁹ Tsúfé ɔhá ání ɔbu wankitɔ tɔbwé yilé. Mu asún da ɔkpa, ɔbu ɔɔkwali. ¹⁰ Mó su mli bɔ mbódí amlikasí tɔá Bulu tekle. ¹¹ Mli mágyi mba. Labi kuku uma móttó. Mboún mliɛ amó bwehé ɔwan. ¹² Ihíé bu péli ání

béblí ntobíá ahá botəbwé ηáinto ιωι asón kóráá.
¹³Táme ní itə wankíhé iwánkí wólí tóá ιβυ oklúntəsu á, itemlí itowunhe. ¹⁴Tsúfé atə wankíhé telé tógyító əwan. Mú sú beblí beε,
 “Odidípó, tsinki.

Kusu tsu afúlitə,
 Kristo əwanki woli fósú.” ni.

¹⁵Ini su mlíkí mlí tsiátó wankláán. Mlumátsiá nkpa fé aha mimláhe, mboun mlitsia fé atiansipv.
¹⁶Ní mlenyá bréá mlópυbwé itə wankláán á, mlumáyintá mú. Tsúfé lalahεbwe lamóní ahi bré ánfítə. ¹⁷Mú su mlumábwe mimlála. Mboun mlubə mbódí amlibí tóá aní Wíε tekle, amlibwe mú.

¹⁸Mlumánu ntá bó, tsúfé iteyíntá əha. Mboun mlíha Əhé Wankíhé amv əbυla mlí brégyíbré.
¹⁹Mlipv Bulu asón wá ιβυ, amlíwa ιβá Əhe Wankíhé lópυwá mlí kluntə pətəi kpla aba; amlíwa ιβυ é tsu mlí kluntə kanfv aní Wíε. ²⁰Mlída aní Sí Bulu ipán tógyítótó brégyíbré, aní Wíε Yesu Kristo idátó.

Akristofō Akúlu Múa Aká Tsiátó

²¹Mlúba iwiasí ha aba fé alíá mliteba iwiasí há Kristo.

²²Ətsi, ba iwiasí ha fú kúlu fé alíá futeba iwiasí há Kristo. ²³Tsúfé okúlu bυ túmi mv kasv, fé alíá Kristo bυ túmi əpasua ámvsv. Əpasua ámv gyí mv əyuləv, Kristo amv onutó gyí mú Əlepó. ²⁴Alí ámúv əpasua ámv teba iwiasí há Kristo amv a, alí kén əká é əbá iwiasí ha mv kulu tógyítótó ni.

²⁵Akúlu, mlídwε mlí aká fé ahi ámúv Kristo lódwe əpasua ámv, tsúlá bəmə mv mú sv ámv. ²⁶Kristo lótsulá bəmə mv pótin əpasua ámv ιωι há Bulu. Olebie əpasua ámv ntsu, pú mv asón ámv gyóra mó ιωι. ²⁷Omekleá ifin pú asvansv bétsiá əpasua ámv

iwɪ, ntɛɛ mɔ ɔtinɛko ɪbɔkpɔkpɔ tɪá, mɛni ɪbɔwa mu onutɔ ámu akíle fé obitebí, ɔbékpa mu ba mu iwɪ wá. ²⁸ Alɪ kɛn lehián aní oyin ɔbɔdwe mu ka fé mu iwɪ ní. Oyin aní ɔtɔdwé mu ka tɔdwé mu onutɔ iwɪ. ²⁹ Tsúfé ɔhaa tamalú mu iwɪ, bulá ɔtebulá mu iwɪ, kɪ mu iwɪsu wankláán fé alíá Kristo é tɔbwé há ɔpasua ámu. ³⁰ Tsúfé anɪ fée anɪgyí Kristo ɔyɔlúu iwɪ ntobí. ³¹ Fé alíá bɔwanlín wá Bulu asón ámutɔ beɛ, “Inɪ su oyin ɔbénatí sí mu sɪ mva mu yin, yémantá mu kasu. Fówun amó abanyó ámu bɔbwe ɔyɔlúu kɔle” ni. ³² Ɖnɔkwali, Bulu asón nɔánhé anfitɔ bu odwin. Ndekí mbée, Kristo mva ɔpasua ámu iwɪ asón igyi. ³³ Mlɪ é mlɪ asón igyi. Mó su ntráa nde mlɪ bláa mbée, oyingyíoyin ɔdwéɛ mu ka fé mu onutɔ iwɪ, ɔtsɪ é obu mu kulu.

6

Abi Múa Akwíró

¹ Abí, mlɪa anɪ Wíenyɔ mlɪlabwé kɔle. Mó su mlɪbu mlɪ akwíró. Tsúfé mógyí tɔá ida ɔkpa aní mlɔbwe ní. ² Inɪ gyí mbla ámutɔ gyankpapɔá ɔlehɛ oyúla mántá mósú ní. “Bu fú sí múa fú yín, ³ mɛni ɪbɔwa alé há fú. Fówun fédan fulɪ nwun fú nkpa ánfítɔ.”

⁴ Abí así, mlɪmátsiá wá mlɪ abí ɔbló. Mboún mlɪyɪ amó, amlisuna amó ató alíá anɪ Wíe tekle.

Nkpábi Pó Amó Awíe

⁵ Nkpábi, mlɪbu mlɪ awíe. Mlɪnya amó ifú, amlɪbu amó tsu mlɪ klɔntɔ fé alíá mlɪtobú Kristo. ⁶ Mlɪmábwe yilé amó ansító alíá békankfú mlɪ su. Táme fé Kristo nkpábi a, mlɪbwe ató tsu mlɪ klɔntɔ fé alíá Bulu tekle. ⁷ Mlɪle iwɪtɔ yɔ agyómá ansigyísó ha amó, fé Kristo mlɪdé mó yɔ há, megyí nyankpɔsa.

⁸ Mlɪɪnka ansí ánɪ anɪ Wíe ɔbéka ɔhagyíɔha ikɔ, itɔ wankláán kugyíkɔá ɔɔbwe sv. Ní ɔkpábi fugyi o, fotsie fú iwɪsv o.

⁹ Awíé, mli é mlíkita mli nkpábi wankláán, fé alíá nablí bɔtsɔn. Mlɪmábwe amó kpóunkpóun. Mlɪkain ánɪ mlɪa amónyɔ féé owíe ámv bv ɔsósó. Mv mó ɔtamakɪ ɔhaa ansító.

Bulu Akɔ́tɔ

¹⁰ Mí asón tráhe-tráhe gyí, apíó, mlɪtsɔn anɪa anɪ Wíenyɔ ikɔlebwe sv amlɪha mv ɔwa mli ɔwɔnlín tsu mv túmi kpɔnkpɔntɪ ámvɔ. ¹¹ Mlɪɪɪda isá-akɔ́tɔ fééá Bulu lahá mli ɔbéé, mlɪpókɔ ɔbɔnsám, ménɪ mlétalí lí mv ɔmle ámv ɔnó. ¹² Tsúfé megyí anɪa anyánkpósa dékɔ. Mboun anɪa ɔhétɔ túmi laláhe, atúmipv pú ɔhe laláheá bvbv ɔyí klúnhe anfitɔ pú ɔtínegyíɔtíné dékɔ. ¹³ Mú sv mlɪɪɪda Bulu akɔ́tɔ ámv féé, ménɪ ekeá lalahe kv ifwíé mlɪtɔ á, mlɪméesrí, mlétalí lí mv ɔnó, trá nya ɔhé wá ɔwɔnlín lí kínkínkín.

¹⁴ Mú sv mlɪkɔsv, amlɪɪda iwɪsv. ɔnɔkwaliwa ɔbwéé ɔféá ikli mli osiésó. Yilébwe ɔbwe mli kántɔ-atíntɔ. ¹⁵ Iwɪsvɪda há iwɪlvii asɔn wankláán ámvɔ kitá pú mv blí ɔbwéé mli isátɔ ntɔkɔta. ¹⁶ Inɪ féé ɔma a, mlíkita Kristo hógyi ámvɔ brégyíbré. ɔbwéé mli atíntɔá mlóputɪn mli iwɪ, ménɪ ɔbɔnsám mbɪn píɔnpíɔn ámvú ɪdetsúsv ámvɔ kɔkv ɪmóɔwɔ mli. ¹⁷ Mlɪpv Bulu nkpahóo ámv bwe mli kɔtɔpa. Mlíkita Bulu asón ámvɔ, ɔbwe mli isátɔ ɔdayí ánɪ ɔhe Wankíhé ámv tɔhá mli. ¹⁸ Mlɪha Bulu ɔhé ámv ɔkpa mli, amlɪbɔ mpái brégyíbré. Mlɪkɔli Bulu, ɔtsa mli ɔkpagyíɔkpasv. Mú sv mlɪɪnka ansí iwɪsv. Mlɪmási mpái bɔ há Bulu ahá féé. ¹⁹ Mlɪbɔ mpái ha mli. Ní nobwíí ɔnó á, Bulu ɔpúv mv asón ámv wa mí ɔnó;

ɔha mí antali wa klɔn bli asɔn ɲáínhé amóó ibu mu asɔn wankláán ámuɔɔ ámu fée. ²⁰ Asón ámu iwɪ sumbí ɔyɔpó ngyi. Mó ɔkanda só nda obu ní. Mlibɔ mpái mhaa, Bulu ɔhá mí antali wa klɔn bli mó alíá ilehián.

Iklá

²¹ Osúmbi ɔnɔkwaliɔvɔ anɪ píó ɔdwepó Tihiko gyí anɪ Wíe agyómá ámuɔɔ. Ɔbébláa mli mí iwɪ asón fée, ménɪ mlébi alíá ngyi pó tóá ndebwe. ²² Inɪ kóún sɔ nde mu wa mli wá ní. Ndeklé mbéε, ɔbebláa mli alíá tógyító ide mósó yɔ nfi. Ɔtɔɪ kpla mli pɔwa mli ɔwɔnlín.

²³ Ɔsí Bulu muɔa anɪ Wíe Yesu Kristo buháa mli ahógyiɔvɔ amu fée iwɪlwii. Buháa amlitsia dwe aba, mli ansí ɪdɪnka Bulusɔ bré fée. ²⁴ Ogyii ahá ání butamasí anɪ Wíe Yesu Kristo dwe fée buale.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b